

112 學年度下學期校長公開授課//全才巨匠千年偶像/談蘇東坡品格素養
補充資料

1076 《水調歌頭》密州/丙辰中秋，歡飲達旦，大醉，作此篇。兼懷子由。

明月幾時有？把酒問青天。
不知天上宮闕，今夕是何年。
我欲乘風歸去，唯恐瓊樓玉宇，高處不勝寒。
起舞弄清影，何似在人間？
轉朱閣，低綺戶，照無眠。
不應有恨，何事長向別時圓？
人有悲歡離合，月有陰晴圓缺，此事古難全。
但願人長久，千里共嬋娟。

1082 《赤壁懷古》黃州/蘇軾四處遊山玩水，「深自閉塞，扁舟革履，放浪山水
之間，與漁樵雜處」，寫下《赤壁二賦》和《念奴嬌·赤壁懷古》名作。

大江東去，浪淘盡，千古風流人物。
故壘西邊，人道是，三國周郎赤壁。
亂石穿空，驚濤拍岸，捲起千堆雪。
江山如畫，一時多少豪傑。
遙想公瑾當年，小喬初嫁了，雄姿英發。
羽扇綸巾，談笑間，檣櫓灰飛煙滅。
故國神遊，多情應笑我，早生華髮。
人生如夢，一尊還酹江月。

1100 《六月二十日夜渡海》儋州/詩中回顧了他在南方流放的經歷，表達了他九
死不悔的倨傲之心和曠達豪放的襟懷

參橫鬥轉欲三更，
苦雨終風也解晴。
雲散月明誰點綴？
天容海色本澄清。
空餘魯叟乘桴意，
粗識軒轅奏樂聲。
九死南荒吾不恨，
茲遊奇絕冠平生。

祝福 77 屆 24 位小朋友鵬程萬里



